



Kommune
Qeqertalik

Aputaajaasarneq

Qasigianniguit – Kommune Qeqertalik



Aputaajaasarnermi piumasaqaatit

Ulloq: 22-05-2025

Suliarinnittoq: lola

Nakkutilliisoq: nibr

Akuerinnittoq: inbi

KOMMUNE QEERTALIK
Niels Egedes Plads 1
Postboks 220 - 3950 Aasiaat

qeqertalik@qeqertalik.gl
www.qeqertalik.gl

Tlf. (+299) 70 19 00
Fax (+299) 70 1177

CVR: 37488895
Kontonr. 6471-1618471

AMMASARFIIT | ÅBNINGSTIDER: Ataa. | Man. -Tall. | Fre. : 09:00 - 15:00

Qup. | Side 1/8



Imarisaa

1.0 Nalinginnaasut.....	3
1.2 Suliassap annertussusianik nalilersuineq	3
1.3 Suliassamik allannguuteqartitsisarneq	3
1.4 Pitsaassuseq.....	4
1.5 Siorarterineq	5
2.00 Neqeroortup sullissisarneri	6
2.1 Ataatsimiinnerit	6
2.2 Ukiuunerani sillimasarneq	6
2.3 Nakkutilliineq	6
3.00 Sullissisup kiffartuussineri	7
3.1 Pilersaarusiorneq	7
3.2 Sullissisup atortui	7
3.3 Upalungaarsimaneq	7
3.4 Aggersaasarneq	8
3.5 Sulisut	8
3.6 Nakkutilliineq	8



1.0 Nalinginnaasut

Aputaajaasarneq pisortanit assut eqqumaniarfigineqartuuvooq, aqquserngit ingerlavigiuminaatsillugit suut ornitat tikikkuminartuunissaannut isumannaatsumillu angallaffigineqarnissaannut tamanna peqataasussaammat.

Eqqortumik ukiuunerani sullissisarnerup tamarmik angallassinnaanissaat aammalu suut angallaffiusut quasannginnissaat qulakkeertussaavaa. Tamatuma saniatigut IMA ILIORTOQASSANNGILAQ:

- Aqquserngit naapiffiini inuillu aqquataanni il.il. niffarlukunik katersisoqarluni.
- Aputaajaanermi cykkilertut, biilertut allallu apummik seqqartarneqarlutik.

Eqqortumik isornartorsiuisarneq annikillisinneqassaaq ima iliornikkut, aalajangersakkat isumaqatigiissutaasimasut naapertorlugit suliamik ingerlatsinikkut, aammalu kikkut tamarmik inussiarnersumik mianerinnittumillu pissusilersornermikkut tamanna eqquutsinniassavaat.

1.2 Suliassap annertussusianik nalilersuineq

Ukiuunerani aputaajaaneq suliniuteqartarneq piffissami 1. oktoberi 2025 – 31 maj 2028-mut ingerlanneqassaaq. Ukiuunerani aqqusinerni aserfallatsaaliinikkut suliniuteqartarneq ulloq 1. oktoberi unnuap qeqqanut aallartittarpoq naammassisarlungilu unnuap qeqqanut ulloq 31. maaji, taamaattoq aputaajaaneq ingerlaannarluni, taamaalilluni nalinginnaasumik ingerlaartoqassaaq ullaakkut nal. 07.00 ulloq 31. maaji.

Piffissamik agguataarineq:

Piffissaq 2025 – 2026 1. oktoberi 2025 – 31. Maaji 2026

Piffissaq 2026 – 2027: 1. oktoberi 2026 - 31 maaji 2027

Piffissaq 2027 – 2028: 1. oktoberi 2027 - 31. maaji 2028

Siorarterinerimi immikkoortoq 1.5 naapertorlugu nassuiaatigineqartutut aqqusernit immikkoortitigaanerat malillugu sulisoqartarpoq.

Ukiup sinnerani ukiuunerani aputaajaanermi suliniuteqartarneq ingerlanneqartarpoq aggersaasoqarneragut akiliuteqaqqaarnikkullu.

Illoqarfimmi aqqusernit klassinut agguataagaapput, takuuk ilanngussaq 3.

Sullissisoq minnerpaamik oqarasuaatinik marlunnik ulloq unnuarlu attavigineqarsinnaasunik piareersimasooqassaaq.

1.3 Suliassamik allannguuteqartitsisarneq

Piffissap isumaqatigiissuteqarfiusup iluani suliakkiisup akimik annertunerulersitsisinnaavoq.



Sullissisup akuersaassavaa, aputaajaanermi suliaakkiisup aqqummut ataatsimut taamaallaat aputaajaammik piumasaqarpat. Imaluunniit ataasiartumik sullissisumik allamik aqqummik ataatsimik suliaakkiummi uani ilaatinneqartumi suliamik ingerlatitsiguni. Tamannalu sullissisumut taarsiinermik kinguneqassanngilaq.

1.4 Pitsaassuseq

Aqquernertigut quasartumik akiuiniarneq (siorarterineq) aputaajaanerlu pitsaassutsimigut piffissamillu aalajangersarneqarsimasunik eqquutitsiniarnikkut nassuiarneqarsimasut naapertorlugit ingerlanneqassaaq.

Aputaajaasarnaq aallarneqartassaaq apusinernik pinngortoqartillugu imaluunniit 5 cm-it angullugit apitinnagu.

Aqqusinerni A-tut, B-tut aamma C-tut nalunaarsukkani inuinnarnut aqqutissialinni inuinnaallu aqqutaanni aput uninngatinneqassanngilaq, nalinginnaasumik angallannermut inunnulu pisuttunut ajoqutaasinnaasooq.

Aqquerngup silissusia tamaat aputaajarneqassaaq, aqquerngup sinaani atortorissaarutaasinnaasut mianeralugit (kallerup inneranut napparutit, aqqusinermut assiaqutit, kloakkinut matut napparutaalu, imertartarfiit il.il.).

Nalinginnaasumik anguniarneqartassaaq aqquerngup sinaani portunersioertitsinerit pinaveersaartinnissaat.

Aqqusineeqqanut appakaaffiit, biilnut uninngaartarfiit, qatserisartoqarfik, napparsimavik, politeeqarfik, tummeqqat inuinnaallu aqqutaat niffarlukunik asserneqartarsanngillat. Niffarlukut taamaattut erngerlugit katersorneqarfimminnit peerneqassapput.

Niffarlukunik uninngatitsineq (niffarlukut, aputaajaanermi pilersitaanngitsut) pisassanngilaq, isikkiviusinnaasunut ajoqutaasumik, illinernut, inissianullu.

Immikkut alaatsinaaffigineqassapput, inissiat niffarlukunit akornusersorneqannginnissaat, issangiarthillugu.

Niffarlukunik katersuivissiat atorneqalersinnatik Inoqarfik Qasigiannguanit akuerineqaaqqaartassapput, katersuivigineqartinnatik.

Utaqqiisaasumik aputinut ilitsiviit aputinik piianeq aalajangersimasumillu akuerisaasunut aputinut ilitsivinnut inissiineq ingerlanneqartassooq. Utaqqiisaasumik aputinik ilitsivigineqartut privatiniit aputit piiarneqarsimasut akiliinikkut piiarneqartassapput. Utaqqiisaasumilli aputinik ilitsivigineqartut kommune aputaajartitaat aputaajaanermi isumaqatigiisummi ilaatinneqarput aammalu suliaqartussaniit peertinneqarsinnaassallutik.

Qimmeqarfinni eqqaaviit kiisalu eqqaaviit aqquernit sinaanniitut arsakoofittallik pingasunngornikkut imaarneqartarmata ukioq tamaat ingerlaavartumik aputaajaanikkut tikikkuminarnissaat ammaruminarnissai sullissisup qulakkiissallugu akisussaaffigaa aputaajassallugu. Ilanngussaq takuuk. 4 aamma 5.



Ukiut tamaasa kingusinnerpaamik ulloq 15 juni, sioqqat aputinit katersukkanit nunap assingani ilanngunneqarsimasumi qorsorpaluttumik qalipaammik nalunaarusersimasumi peerneqassapput salinneqarlutik. Torsaanermi immikkoortut ukua pineqarput:

- Isikkivik Juliusip aqquserna "isikkivik"
- Akulliit Aqquserna.
- Ikamiut aqquserna ataatungaaniittoq biilnut unittarfik
- Uilukoq ataatungaaniittoq aputinik igitsivik.

Aputaajagaq aserfallatsalineqassaaq angallannermut ajoqutaanissaa pinaveersimatinniarlugu. Ingasammik manngutsillugu, sullissisup nakkutigissavaa, immatsitsinerit kussiorneqarnissaat.

1.5 Siorarterineq

Aqqusernit quasalertillugit aqqusernit quasannerat nalinginnaasumik angallannermut akornutaappat sullissisup siorarterineq aallartissavaa, tassani pineqarpoq siorarterinerup aallartinneqassasoq aqqusernup qaava quasappallaarluni pisuffigineqarsinnaangippat aamma biilit nalinginnaasumik ukiuunerani assakaasoqarlutik ingerlasinnaangippata.

Aqqusernit immikkoortitigaanerit taaneqartutut malillugu pingaarnersiuisoqarluni siorarterisoqassaaq.

Sullissisup silamut aqqusinernullu tunngatillugu eqqumaffiginninngippat, Inoqarfik Qasigiannguit siorarterinissaaq aallarteqqullugu sullissisup sillimasuanut sianissaaq. Vagt telefoni qisuariarfigineqanngippat, Inoqarfik allamiit ikiortissarsiussaaq, tamannalu sullissisup akilissavaa tulliani siumoortumik akileeqqusineri. (qularnaveeqqusiineq).

Sullissisup nammineerluni aqqusernit siorarterinissaannut sioqqanik isumaginnissaaq taakkualu Inoqarfik Qasigiannguanit innersuussutigineqartumut inississallugit. Sioqqat siorarterinerit atugassat Inoqarfik Qasigiannguanit akuersissutigineqassaaq.

Inoqarfimmit tulliuttut pingaarnersiorneqarlutik siorarterneqarnissaannut pisussaaffeqartitsippat:

Inoqarfimmi aqutsisoq

Inoqarfimmi aqutsisumut tullersorti

Bycheffi

Siorarterinerit ingerlatsineq:

Aqquserngup silissusia tamaat aputaajarneqassaaq, aqquserngup sinaani atortorissaarutaasinnaasut mianeralugit.

Pisuni annertuumik unammillernartuni, Inoqarfimmi aqutsisoq, qatserisartut ittuat, politiini pigaartuusoq kiisalu napparsimaveqarfik upalungaarsimanissamut sillimasussanik suleqatigiissitaliamik pilersitsissapput.



Sullissisup pissutsit taamaatillugit siorarterinissaq aamma upalungaarsimasut sullissaneranik aalajangiinerat sapinngittariaqarpaa.

Piffissaq aqquusernarnik siorarteriffiusoq naappat apullu tamarmi aappat ukiukkut siorarterinermeersut sioqqat piiarneqassapput. Inoqarfimmi aqutsisup isumaqatigiissusiorfigineqarnerata kingornatigut sioqqat eqqaavissuarmut aamma lminnguup tasianut eqqaanut inissinneqassapput.

- Sioqqat kusserninut kussinilianullu nakkarsimasut aamma katersorneqassapput Inoqarfimmi aqutsisoq isumaqatigiissuteqarfiginerata kingornatigut eqqaavissuarmilu imaluunniit lminnguup tasiani sioqqanut inissinneqassallutik, taakkulu aamma tamakkerlugit piiarneqareersimassapput 31. maj nallertinnagu.

2.00 Neqeroortup sullissisarneri

2.1 Ataatsimiinnerit

Paasissutissiilluni ataatsimeqatigiittarnerit neqeroortitsisup pisariaqartitsinermik naliliinera naapertorlugu ingerlanneqartassapput.

Sullissisoq aquttuulu ataatsimiinnerni peqataassapput.

2.2 Ukiuunerani sillimasarneq

Ukiuunerani sillimasussaatitaasoq ukiuunerani nakkutilliisussaatitaasoq peqatigalugu silami suliasat aquttussaavai aammalu suliasat pillugit pilersaarusiornermi suliasanillu ingerlatsinermi neqeroortitsisup sulisitsisumut aallartitaraa. Sullissisoq aamma aquttui taamaalillutik nakkutilliisut aqutigalugit ilitersorneqassapput.

Upalungaarsimasussaatitaaneq ukiuunerani sillimasussaatitaasumit aqunneqassaaq taannalu, nakkutilliisussaatitaasumit tapersersorneqassaaq, taamaalillunilu quasartumik akiuiniarnerit aputaajaanerillu aallarnerneqartarnissaat aalajangiiffigisartussaassavaa aammalu suliniarneq pillugu tamakkiisumik sinaakkutaasut aalajangersartassavaat aalajangiiffigisarlugillu.

2.3 Nakkutilliineq

Ukiuunerani sillimassussaatitaasup/nakkutilliisussaatitaasup aggersaanerit aallartinnerat qanoq ilisukkullu tamatuma naammassineqarnera nalunaarsussavaa. Ilanngullugu suliap ingerlanneqarnerata pitsaassusaa misissuisarnikkut nakkutigineqassaaq, aammalu isumaqatigiissutit naapertorlugit ingerlanneqarnerisooq qulakkeerneqassaaq.

Tamanna eqquutsinneqarsimanngippat sullissisup erngerluni amigaataasutut taakkartorneqartut aaqqiiviginiassavai. Uteqqiattumik suliap ingerlanneqarnerani amigaateqartarneq isigineqassaaq isumaqatigiissummik unioqqutitsinertut aammalu akiligassanik naatsersuisarnermi ilanngaatineqarsinnaavoq.



3.00 Sullissisup kiffartuussineri

3.1 Pilersaarusiorneq

Upalungaarsimanissamut piffissarititaasup ullunik qulinik aallartiffissaa sioqqullugu sullissisup atortuutit sulisullu pillugit skemat nutartikkat tunniussimassavai kiisalu sillimanissamut pilersaarut tamatumani niffarlukunik ilioqqaaviugallartussatut siunnersuutit ilanngullugit.

Sulisitsisoq aquttuulu ukiut tamaasa upalungaarsimanissamut piffissarititaasup aallartinnginnerani aqquuserngit misissuataarsimassavaat aammalu nalinginnaasumik angallaffiusussaasut pillugit neqeroortitsisumik isumaqatigiissusiussalluni aqquuserngit pingaernerit siulliullugit suliarineqartarnissaannik aammalu taamaalilluni aqqusinernik atuisinnaannginnerup minnerpaaffimminiitsinneqarnissaa qulakkiissallugu.

3.2 Sullissisup atortui

Sullissisup atortorissaarutit pisariaqartut tunniutissavai.

Sullissisoq minnerpaamik gummiged-imik suliakkiussani tamani atuissaaq. Angallassissutit tamarmik taamaalillutik nammineq suliakkiutaapput. Angallassissutit atorineqartut pitsaasuussapput aammalu isumaqatigiissut naapertorlugu suliakkiunneqarsimasunut naleqquttuussallutik.

Sullissisup atortorissaarutit ajutoortoqarnerani suliakkiutigineqartut atortorissaarutit allat akuerisaasut atorlugit sulianik ingerlatsisassaaq. Ukiuunerani sillimasussaatitaasoq/nakkutilliisussaatitaasoq atortorissaarutit atulinnginneranni nalunaarfigineqartassaaq.

Atortorissaarutit aggersaernerit akornanni sullissisup tamakkunannga uninngatitsisarfianni uninngasassapput. Sullissisup atortorissaarutai suliaasut suliakkiutigineqartuni piffissamilu suliffissarititaasumi taamaallaat atorineqartassapput.

Aputaajaatit nutaaliaasut paasissutissanik katersissummik aamma GPS-imik atortulerneqassapput sulinerup eqqortumik ingerlanneqarneranut nalunaarsuisussamik.

3.3 Upalungaarsimaneq

Sullissisoq piffissami upalungaarsimasussaatitaaffiusup iluani, oqarasuaat ataaseq atorlugu attavigineqarsinnaassaaq. Oqarasuaatip normua neqeroortitsisumut allakkatigut nalunaarutigineqassaaq kingusinnerpaamik piffissaaq upalungaarsimasussaatitaaffiusoq ullunik qulinik sioqqullugu.

Oqarasuaatip nammineerluni akisartua atorineqassanngilaq, inunnilluunniit attaveqarniarluni kalerriutaasartoq assigisaalu.

Oqarasuaatip normuanik allanngortoqartillugu tamanna ukiuunerani sillimasussaatitaasumut allakkatigut nalunaarutigineqassaaq.



3.4 Aggersaasarneq

Ukiuunerani sillimasussaatitaasup/nakkutilliisussaatitaasup Sullissisoq oqarasuaatikkut aggersassavaa. Aggersaasarneq ullup qanoq ilinera apeqqutaatinnagu ingerlanneqartassaaq. Sullissisup nammineerluni aquttut aggersassavai.

Sullissisut aqquuserngit A-tut, B-tut aamma C-tut nalunaarsukkani sullissisuusut aputaajaanertik aallartissimassavaat aggersaanerup kingorna kingusinnerpaamik minutsit 60-it qaangiuppata.

Sullissisoq piffissap qanoq ilinera apeqqutaatinnagu inatsisit atuuttut naapertorlugit suliat pitsaassutimikkut isikkuat akisussaaffigaa.

3.5 Sulisut

Sullissisoq/Aquttut neqeroortisisup ilitersuinerani aammalu aqqusinernik misissuinerani peqataasassapput.

Lastbiilini tamani aquttuusut aqqi tamarmik paasissutissiilluni immersugassiami nalunaarsorneqarsimassapput neqeroorusiornermi ilanngunneqartussamik.

Aquttuusut aqqusinermi angallattunut innuttaasunullu allanut mianersortumik pissuseqassapput suliassallu ingerlanneqarnissaat eqqarsaatigalugu ukiuunerani sillimasussaatitaasumit ilitersuutigineqartut malittussaassavaat.

Aquttuusooq ukiuunerani sillimasussaatitaasumik attaveqarsinnaajuaannassaaq nakkutilliineq eqqarsaatigalugu kalaallisut qallunaatullunniit paasinartumik.

3.6 Nakkutilliineq

Sullissisoq nammineerluni suliat naammassineqarsimasut pillugit pitsaassutimik nakkutilliineq ingerlatissavaa, tamatumani ilanngullugit:

- suliaq piffissaq eqqorlugu aallartinneqassasut
- suliakkiutigineqartut aqquaat eqqarsaatigalugu eqqortumik ingerlanneqartut
- aputaajaatit portussusiat naleqquttuunersoq angallaffiusullu tungaani naqitsineq eqqortuullunilu assigiinnersoq, sapinngisamik aputip annertunerpaap peerneqarsimanissaa siunertaralugu

Nikingassutaasinnaasut paasineqartut kiisalu atortorissaarutit aserfallatsaalineqarsimanerannut paasissutissat ukiuunerani sillimasumut/nakkutilliisumut ilisimatitsissutigissavai.